

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
Služba za prostorno uređenje i zaštitu okolice
Broj: 08-23-880/16
Datum, 28.06.2016. godine

Na osnovu člana 5. stav 4. Odluke o organizaciji i djelokrugu organa uprave općine Srebrenik („Sl. glasnik općine Srebrenik“, broj: 7/11), člana 14. Odluke o korištenju javnih površina („Sl. glasnik općine Srebrenik“, broj: 4/09, 2/12, 2/14 i 3/16) i odredbi Plana lokacija za postavljanje reklamnih uređaja broj: 08-23-821/16 od 14.06.2016. godine, Služba za prostorno uređenje i zaštitu okolice r a s p i s u j e :

K O N K U R S

za prikupljanje ponuda za zakup javnih površina radi postavljanja reklamnih uređaja u gradu Srebreniku

I PREDMET KONKURSA

Predmet konkursa je prikupljanje javnih ponuda za zakup javnih površina radi postavljanja 3 (tri) reklamna uređaja na 3 (tri) lokacije određene Planom lokacija za postavljanje reklamnih uređaja, kako slijedi:

1. Lokacija broj 1. je na zelenoj površini pored Doma Kulture u ulici Alije Izetbegovića, za reklamni uređaj površine do 12,00 m²,
2. Lokacija broj 2. je na zelenoj površini ispod Ine, u ulici 21. Srebreničke brigade, za reklamni uređaj površine do 12,00 m² i
3. Lokacija broj 3. je na zelenoj površini pored Sportske dvorane, u ulici TO 92, za reklamni uređaj površine do 30,00 m².

Naprijed navedene lokacije za postavljanje reklamnih uređaja se daju u zakup na period od 1 (jednu) godinu dana, uz mogućnost produženja u opravdanim slučajevima za još godinu dana.

Reklamni uređaji koji se planiraju postaviti na predloženim lokacijama, mogu biti sa mehaničkom izmjenom reklamnog sadržaja (trivision, scroller i sl.) ili elektronskim prikazom slike (display i sl.). Predmetni reklamni uređaji se mogu postaviti kao samostojeći uređaji, na jednom ili dva oslonca (stuba) bez kosnika i mogu biti maksimalne visine do 6,00 m od kote terena (stub + display).

Uređaji navedeni pod brojem 1. i 2. ovog konkursa mogu se postaviti na minimalnoj udaljenosti 2,00 m mjereno od vanjske ivice trotoara, te minimalno 4,00 m od ivice kolovoza, a uređaji navedeni pod brojem 3. istog konkursa se mogu postaviti na minimalnoj udaljenosti 3,00 m od vanjske ivice trotoara, te minimalno 6,00 m od ivice kolovoza, zatim ukoliko se postavljaju na zelenoj površini ili parku, temelj nosivih stubova mora imati nadsloj zemlje od min. 20 cm i isti ne smije ugrožavati stabla i drugo parkovsko rastinje, kao ni normalno funkcionisanje okolnih objekata.

II NAKNADE

Najniža ponuđena cijena naknade za zakup javne površine radi postavljanja reklamnih uređaja ne može biti manja od 5,00 KM/m² reklamnog uređaja za 1 (jedan) mjesec.

III OBAVEZE ZAKUPCA

Obaveze zakupaca koji steknu pravo postavljanja reklamnih uređaja na predmetnim lokacijama su slijedeće:

- da u roku od 7 dana od dana konačnosti Zaključka o spovedenom Konkursu, izvrši uplatu cjelokupnog iznosa zakupa postignutog na konkursu, te da sa Općinskim načelnikom u roku od 15 dana od dana konačnosti zaključka, zaključi ugovor o korištenju javne površine.

- da za postavljanje reklamnog uređaja pribavi urbanističku saglasnost od nadležne Službe ukoliko se radi o reklamnom uređaju površine do 12 m², odnosno da za postavljanje reklamnog uređaja površine veće od 12 m² pribavi i odobrenje za građenje.

IV KRITERIJ ZA VREDNOVANJE PONUDA

Prilikom vrednovanja ponuda od strane konkursne Komisije, kao najpovoljnija ponuda za postavljanje reklamnih uređaja vrednovat će se ona ponuda čija ponudena cijena zakupnine bude najveća, a u slučaju istih ponuda, vrednovat će se ponudeni tip i veličina reklamnog uređaja, s tim što prednost ima ponuđač koji eventualno trenutno koristi predmetnu javnu površinu.

V USLOVI KONKURSA

Na konkursu za postavljanje reklamnih uređaja mogu učestvovati sva pravna i fizička lica koja su u skladu sa zakonom registrovana za obavljanje djelatnosti javnog oglašavanja i reklamiranja, a koja ispunjavaju i ostale uslove iz ovog oglasa.

Prijave na Konkurs se podnose pismenim putem i moraju sadržavati slijedeće:

- fotokopiju izvoda iz Rješenja o registraciji kod nadležnog suda za obavljanje djelatnosti javnog oglašavanja i reklamiranja putem elektronskog reklamnog uređaja, (za pravna lica),
- fotokopiju Rješenja nadležnog organa o registraciji za obavljanje javnog oglašavanja i reklamiranja putem elektronskog reklamnog uređaja, (za fizička lica),
- fotokopiju uvjerenja o poreznoj registraciji,
- ovlaštenje za zastupanje na javnom nadmetanju,
- odgovarajuće tehničke karakteristike i fotografije ponuđenog tipa i veličine reklamnog uređaja,
- izjavu da će prihvatiti sve uslove vezano za postavljanje reklamnog uređaja date od strane nadležne Službe,
- potvrdu o uplati depozita na račun Općine Srebrenik u iznosu od 100,00 KM.
- ponudu sa ponuđenom cijenom mjesečne zakupnine.

Ukoliko zainteresovani zakupci žele da učestvuju u nadmetanju za više lokacija navedenih pod tačkom I predmetnog konkursa, obavezni su uplatiti depozit i podnijeti prijavu sa ponudom za svaku lokaciju pojedinačno. Plaćanje depozita izvršiti na račun Općine Srebrenik broj: 132150 029 928 0097, vrsta prihoda 722-461 ili na blagajni računovodstva Općine Srebrenik.

Prijave se podnose na posebnom obrazcu prijave koji se može preuzeti u prostorijama Službe za prostorno uređenje i zaštitu okolice Općine Srebrenik, uz predočenje uplate depozita u naprijed navedenom iznosu. Prijavu na Konkurs treba dostaviti u zatvorenoj koverti na adresu: Općina Srebrenik, Služba za prostorno uređenje i zaštitu okolice, ul. Varoških Polja, 75350 Srebrenik, putem pošte ili na šalteru pisarnice općine Srebrenik, sa naznakom "ne otvaraj – konkurs za reklamne uređaje", najkasnije do 15.07.2016. godine, (petak) do 16,00 sati.

VI OSTALI USLOVI

Otvaranje ponuda će se održati dana 19.07.2016. godine, (utorak) u prostorijama Doma kulture u Srebreniku sa početkom u 11 sati, a postupak javnog konkursa sprovest će Komisija za dodjelu građevinskog zemljišta formirana od strane Općinskog vijeća Srebrenik.

Lica koja steknu pravo na postavljanje predmetnih reklamnih uređaja, a naknadno odustanu, gube pravo na povrat depozita.

Podrobnije informacije o lokacijama mogu se dobiti svakim radnim danom u prostorijama Službe za prostorno uređenje i zaštitu okolice općine Srebrenik od 7,30-16 sati.

Nepotpune i neblagovremene prijave neće se uzeti u razmatranje.

ŠEF SLUŽBE
Muratović Samir, dipl. ing.grad.